

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj 7/10), i Odluke Vlade Zeničko-dobojskog kantona o proglašenju stanja prirodne i druge nesreće, broj: 02-44-10280/14. od 15.05.2014. godine, kao i Zaključka broj: 02-38-10692/14. od 23.05.2014. godine, na osnovu Procjene općinskih štabova Civilne zaštite o stanju i mogućnostima početka nastave u osnovnim i srednjim školama na području općina Maglaj, Olovo i Zenica, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 167. sjednici, održanoj 03.06.2014. godine, d o n o s i

## **O D L U K U**

### **o završetku nastave u školskoj 2013/2014. godini na području općina Maglaj, Olovo i Zenica**

#### **I.**

- (1) Na osnovu pribavljenih procjena Općinskih štabova civilne zaštite o sigurnosti putnih komunikacija, stanju školskih objekata, snabdijevanja pitkom vodom i električnom energijom kao i higijensko-epidemiološkoj situaciji, Vlada Zeničko-dobojskog kantona utvrđuje završetak nastave, u školskoj 2013/2014. godini, zaključno sa danom **14.05.2014. godine**, u općinama:

#### **Općina Maglaj:**

JU OŠ “Maglaj”,

JU OŠ “Prva osnovna škola”,

JU Gimnazija “Edhem Mulabdić,”

JU Mješovita srednja škola.

#### **Općina Olovo:**

JU OŠ “Olovo”,

JU OŠ “Hasan Kikić”,

JU Mješovita srednja škola “Musa Ćazim Ćatić”.

#### **Općina Zenica:**

JU OŠ “Ćamil Sijarić” Nemila.

- (2) U školskoj 2013/2014. godini, svi učenici osnovnih škola i učenici srednjih škola iz stava (1) ovog člana, će završiti razred koji su pohađali, tako što će učenicima koji imaju nedovoljne ocjene, (jednu ili više), te ocjene biti zaključene kao pozitivne, (dovoljan 2), i na osnovu svih ocjena izveden opći uspjeh.
- (3) Na isti način, kao u prethodnom stavu, će biti zaključene ocjene kao pozitivne, i na osnovu istih izveden opći uspjeh učenicima u svim osnovnim i srednjim školama na području Zeničko-dobojskog kantona, koji su spriječeni da pohađaju nastavu zbog nastalih posljedica stanja prirodne i druge nesreće.
- (4) U srednjim školama iz stava (1) ovog člana, kao i svim ostalim srednjim školama će se organizirati maturski/završni ispiti.

#### **II.**

Zadužuje se Ministarstvo za obrazovanje, nauku, kulturu i sport da u saradnji sa aktivima direktora osnovnih i srednjih škola na području općina Maglaj, Olovo i Zenica, u cjelosti realizuju ovu odluku, svako u okvirima svojih nadležnosti.

#### **III.**

Odluka stupa na snagu danom donošenja i objaviti će se u „Službenim novinama Zeničko-dobojskog kantona“.

Broj: 02-\_\_\_\_\_/14.

Datum, 03.06.2014. godine

Z e n i c a

**PREMIJER**

*Munib Husejnagić, dipl. ing.maš.*

**DOSTAVLJENO:**

1x Ministarstvo za obrazovanje, nauku, kulturu i sport,

1x Svim osnovnim i srednjim školama na području ZDK-a (putem Ministarstva),

1x Kantonalni štab CZ,

1x „Službene novine Zeničko-dobojskog kantona“

1x a/a.